

8618/61  
IACOB. ET RACHELIS  
AMOR DELVSVS  
MELODRAMMA

DOCTORIS PAVLI GINI

IN SACELLO ARCHICONFRATERNITATIS

SANCTISSIMI

CRVCIFIXI.

ATVDS MARCELLVM VRBIS

CONCINENDVM

*Modulis expressum*

A DOMINICO PHILIPPO  
BOTTARIO LVCENSI



ROMÆ, Typis Io: Francisci Buagni, MDCCVII.  
In Viâ Catenarum propè Sapientiam

---

*Superiornm permissu.*

THE UNIVERSITY OF CHICAGO

LIBRARY

1915

1915

1915

1915

# ARGOMENTO.

3

**A** Vena seruito Giacob in Casa di Labano suo Zio per lo spazio di Anni sette, con patto, e promessa di riceuerne in premio Rachele per Isposa Figlia Minore del sudetto.

Terminato adunque il seruizio delli detti sette Anni fece istanza Giacob per la promessa Rachele; Onde celebratesi à tal fine le Nozze, Labano sù l'ombra della notte in vece di Rachele consegnò Lia Figlia Maggiore à Giacob senza che questi se n'auedesse. Fattosi poi giorno, & accortosi Giacob dell'inganno, si lamento con Labano d'esser stato in tal forma deluso, mentre egli auenz seruito per Rachele, e non per Lia; à cui rispose Labano, che non era consuetudine nel di lui Paese maritar prima le Figliole Minori; Ma che fosse stato vna Settimana con Lia, e poi gli auerebbe altresi dato Rachele con nuovo seruizio dà prestargli per altri Anni sette. Intesa Giacob la Risposta acquieuit placito Così al Cap. 29. della Genesi.

Col desiderio, che hanno Giacob, Lia, e Rachele alle Nozze, si v'insinuando sotto figure quell'ardente brama, che hà il Christianesimo tutto di sposarsi alla Pace tanto sospirata nelli tempi presenti, la quale si deue dimandare, e sperare da Dio vero Autore, e fedele Donatore della Medesima

*INTERLOCUTORES.***IACOB.****RACHEL.****LIA.****LABAN.**

# PRIMA PARS

*Ia.*



Væ cogitas, quid agis  
Almi Genus Abrahami, & Isac Proles?  
Rumpe moras ò Iacob;  
Promissæ servitutis  
Anni completi sunt; vade ad Labanum,  
Audax mercedem pete.  
(Initum pactum iam) spera fidelem  
Sponsam dabit Rachelem.

Eia gaude

Surge plaude

Magni ò Iacob Lucri spe;

Nox recessit orta est dies

Iam laborum erit quies,

Exultabis,

Triumphabis,

Quisnam Vir felicior te? Eia gaude &c.

*Rac.* Quo properas ò Iacob

Exiliens velut Dux capto triumpho?

Siste gradus, & audi.

Quid sibi tanta volunt

Animi gaudia, plausus, & tripudia?

Quo Via paratur

Quæ dulcis datur

Cordi Voluptas dilectæ; ò care?

Verbo fideli

Dic tuæ Racheli

Oranti, Amanti noli occultare. Quo via &c.

*Iac.* In Domum redeo tuam

Tuque Rachel es fons Iubili mei.

*Rac.* Ego fons gaudij tui!

Quid hoc amate Iacob?



*Iac.* Nouisti quod impendens  
Opus septem Annorum  
Laban parui mandatis?

*Rac.* Vtique noui, & magna  
Prò laboribus tantis.  
Merces tibi tradenda.

*Iac.* Immensam ab illo expecto;  
Si dabit, quam promisit  
Ditior me nullus erit.

*Rac.* Soluet promissa Pater;  
Quæ pollicitus est, enuncia mihi.

*Iac.* Nuptias tuas mea soror.

*Rac.* Nuptias, ò Frater, meas!  
Ego tua merces ero?

*Iac.* Non aliam nisi te, ò Rachel quæro.

Quid vltrà, & amplius labori meo

Tradendum cupio, sperare queo?

Tu præmium dulce Rachel formosa.

In te delitiæ, Pax, & diuitiæ

Thesaurus ingens, merces pretiosa. Quid &c.

*Lia.* Et quando nam soluetur

Atra nubes ò Lia

Lippis oculis tuis?

O fors, iniqua fors; heu me infelicem.

Ad luridas Pupillas

Quis ardebit amore?

Quanto crucior dolore.

Non corda feriunt,

Amantes rapiunt

Luces elanguidæ, fletu madentes;

Vocant Amorem

Augent ardorem

Formosæ, nitidæ, blandæ, ridentes.

Non &c.

*Lab.* Usquequò flebis Lia, lacrymas fundes?

Labano Genitori

Faciem semper lugentis

Feres, nunquam ridentis?

*Lia.* Cordis, & oculorum

Premunt tormenta ò Parens;

Crudam deploro sortem,

Quæ mori facit me, nec donat mortem

*Lab.* Siste fletum ò Filia, & spes amica

Cordi solatia ferat.

O si scires, non lugeres

Cara Lia, sed gauderes,

Iam putares te beatam.

Ploras nunc, citò ridebis

Quando nosces, & videbis

Tibi sortem sponsi datam. O si scir.&c.

*Lia.* Quis erit Vir, & quæ connubij dies?

*Lab.* Modicum expecta, & scies

*Rac.* O Lia dilecta soror

Bene sit tibi, & Deus

Perennis lucis fons, æternus Ignis

Lippis oculis tuis

Iucundam reddat lucem,

Omnipotens, & Pius

Donet vnà cor lætum

Vertat in gaudia fletum.

Lætare ò Lia; quam diu dolendum?

Non amplius flendum; fleuisse satis

Pax detur oculis; & Cordi quies,

Agamus dies Iucunditatis. Lætare &c.

*Lia.* Sat dolui, sat fleui, Deo hunc fauente

Dolor, fletus abiit

In lætitiā transiuit

*Rac.* Quis hodie commutauit

Lacrimas tuas in risum?

*Lia.* Læta detulit Pater.

*Rac.* Quæ fausta nunciauit?

*Lia.* Breui me Sponsam fore

*Rac.* Et cuius Viri Vxorem?

*Lia.* Siluit, neque indicauit.

*Rac.* Gratulor tibi ò Lia

Age, vale, quiesce

Animo semper læto.

Relictus vocat Grex, en illum peto.

*Iac.* Rachel dilecta mea

Quanam te finar die?

*Lia.* O Vir mihi desponse

Quando tu Consors Liæ?

*Ar. à 2. Lia.* Veni propea dies amata

*Iac.* Curre, accelera dies optata.

*Lia.* Quandò gaudens te videbo?

*Iac.* Quamdiù mærens te expectabo?

*Iac.* Vbi venies

*à 2.* Mox tu lenies

*Li.* Liæ dolores

*Iac.* Meos Amores

*Lia.* *a 2. Erit Pax* ) Amplius non flebo.

*Iac.* ) Et exultabo.

Veni &c.

*Lab.* Quas audio Domi meę loquentium voces?

*Iac.* Vox est Famuli tui.

*Lab.* Quem requiris, quid petis?

*Iac.* Laban dilecte Frater

Impletum tempus est, quo tibi fidam

Præstiti Seruitutem.

*Lab.* Nota mihi iam sunt officia Iacob.

Labori septem Annorum

Iusta merces debetur

*Iac.* Quæ pollicitus es, munera satis

*Lab.* Quam promisi mercedem?



*Ia.* In Vxorem Rachelem.  
*Lab.* Fidem, pactum seruabo,  
 Rachelem in Sponsam dabo.  
 Vade igitur Iacob  
 Dilecte Cordi meo  
 At magis care Deo.

Ex te Iacob orietur

Clemens Mundo, amica Stella,  
 Sol nascetur, per quem Montes  
 Ligna. Saxa, Riui, & Fontes.  
 Pacem dabunt,  
 Mel stillabunt  
 Luctus ibit, fugient Bella Ex te.

&c.

*Rac.* Iacob, amate Iacob  
 O quanto amore in te Rachel accensa!  
 Illi, cui nil occultum, omnia cui patent  
 Notus Rachelis Amor.

Non ille Mundi vanus,  
 Pudicus, non insanus  
 Amor est meus.  
 Iacob & amans fui  
 Quia pulchra Imago Tui  
 O Magne Deus.

Non ille &c.

*Lia.* Vt quid redis ad fletum;  
 Noctes, diesque insomnes  
 Agis, & doles Lia?  
 Claudite iam riuos oculi; Satis ora biberunt  
 Læto nuncio Parentis  
 Iam iam tū felix Sponsa.  
 Mærores longè, à me fugite, abite  
 Pacis gaudia venite.


In dulci quiete  
 Pupillæ manete.  
 In pace sis Liabbin pace iam dormi  
 Pax Cordi donetur  
 Mens nulla turbetur  
 Curarum,  
 Laruarum  
 Imagine informi.

In &amp;c.

*Finis Prima Partis.*



# SECUNDA PARS.

Rac.  Achel, decēpta Rachel;  
Delusi tui; Amōres  
Vbi fides ò Pater;  
Promissa itā seruasti amato Jacob?

Nocturna eludens fraude  
Rachelem spondes illi, & Liam tu tradis  
Magnus Labani dolus;  
Rachelis plaga maior.

Delusæ Filix oculi flete,  
Vestris, & lacrymis cordi dolenti  
Iam iam cadenti opem præstate  
Si forte vobis vires non data  
Vulnus curandi; pœnas mulcete. Deluse &c.

Lab. Quid ploras pignus carum  
Teneri mei Amoris?

Rac. Tu solus lacrymarum  
Causa, & mei doloris

Lab. Quid egit mali tibi, aut potuit vnquam  
Pulchræ Soboli Parens?

Rac. Mihi desponsum Jacob  
Lix in Virum dedisti  
Me innuptam reliquisti

Lab. Noli flere Puella  
Etiam prò te micabit  
Clemens de Cælo Stella  
Terge lacrymas ò Filia;

Eris sponsa & tu dilecta;

Sanæ mentis

Tui Parentis

Illa reputes consilia;

Rachel mea non es decēpta Terge &c.

*Rac.* Atquem dabis Consortem?

*Lab.* Iacob erit Vir tuus.

*Rac.* Iacob erit Vir meus

Qui iam traditus Liæ?

*Lab.* Crede sustine, & spera;

*Rac.* Sustinebo; sperabo.

Rachelis autem Spes in Deo firmata.

In te benigne Deus

Potens, & verax solus,

In quo non regnat dolus

Ego sperabo.

Fides, & amor meus

Non solum leue, aut rota,

Vt Mons semper immota.

Et firma stabo.

In te &c.

*Iac.* Quid noui ò Iacob cernis,

Mecum iacentem Liam!

Tuque Rachel vbi es formosa mea?

Laban, dolose Laban

Sub cæca noctis vmbra ità me ludis?

Apponens prò Rachele

Lippientem Sororem?

Sic meum fallis amorem?

Surgam, ibo; mei furores

Dare minas, & terrores,

Laban scelus proclamate.

Læsam, fractum

Fidem, pactum,

Fraudem, dolum vindicæ. Surgam &c.

Sed quo Iacob, te Iacob

Infana impulit ira?

Indignus Ifac Prole

Impetus hic accensus

Cælo exosus, terrisque, animæ insensus



Mentis turbatæ fluctus  
Prudens compone, & rege.

*Lia.* Summe Parens Clementiæ,  
Qui sperantes in Te nunquam dimittis,  
Ecce Famulæ tuæ  
Afflictionem vidisti  
Conuersâ in gaudium pænâ, in risum fletu.  
Iniquam fugasti sortem  
Largiendo Consortem

Non cadat animus plagâ mæroris  
Mala dum sæuiunt, ingrata & fors  
Ferit nos Dominus vulnere Amoris  
Salus vt prodeat, non autem mors. Non &c.

*Iac.* Ecce Iacob ad te redit ò Laban  
In Amore delusus.  
Quid est, quod mihi egisti, vt Liam hac nocte  
Dolo Coniugem dares?  
Nonne seruiui tibi, opus fidele  
Præstiti prò Rachele?  
Vbi pacta seruata, & firma fides?

*Lab.* Parce Labano, parce amate Iacob  
Dolus non fuit, sed amor.  
Patris, & Patriæ morum

*Iac.* Mores diffringit pactum, & ipsas leges

*Lab.* Nostræ intactæ seruandæ  
Pactis non violandæ

*Iac.* Ergo inanes labores,  
Tot profusi sudores?

*Lab.* Vanus non erit labor  
Hebdomadâ peractâ  
De Rachele gaudebis  
In Vxorem habebis;  
Seruies tamen prò Illa  
Septem reliquos Annos

*Iac.* Modo Rachel sit mea  
 Non septem alios tantum  
 In seruitute stabo,  
 Sed vsque ad Vitæ fines  
 Famulatum præstabo  
 Labores, & pænæ,  
 Sudores, Catenæ  
 Amanti sunt leues, & dulce tormentum.  
 Videntur præ amore,  
 Vt dies, & horæ;  
 Sint menses, aut Anni, sint lustra que centum,  
 Et vbi; vbi Vir meus;

Quæro te, nec inuenio: Infelix Lia.

Ad sponsam reuertere ò Iacob dilecte

Quò care aufugisti,

Cur me reliquisti

Ad ortum diei

Oblitus iam mei!

O Nuptiæ infelices quam citò despectæ.

Ad &c.

Quis dolor sicut meus?

Sponsi Vocem non audio

Redeuntem non video.

Veni decora lux, meus Amor veni,

Turturis viduatæ

Gemitibus clamantis

Aures benigne intende, animum flecte

Ad sponsam reuertere, ò Iacob dilecte

*Iac.* En Rachel ad me venit

Tristis, & gemebunda

*Rac.* Quandò Racheli pax, dabitur quies

Dolenti Cordi meo?

Ago noctes, & dies

Iam consumpta mærore

Heu quantum cruciant moræ !

O Pax amabilis ,

Desiderabilis

Quandònam venies , vt perfruar te ?

Tempus auarum

Cur Nuptiarum

Producis diem , & lanias me ? O Pax &c.

*Iac.* Qui crudelis ò Rachel

Angit pectora dolor ?

*Rac.* Si nouisti Rachelis

Ergà Iacob amorem

Haud ignoras dolorem .

*Iac.* Ah notus quidem Amor

Notus , & mihi dolor

Dolori meo non impar .

Patrios radargue mores ,

Qui primò nuptas volunt

Filias natu maiores .

*Rac.* Patria colo mandata

Quæ iubent , mihi grata .

*Iac.* Spera tamen dilecta ,

Post paucos namquè dies ,

Eris mea Sponsa electa ;

Antiquum hodiè pactum

Genitor tuus firmavit

*Rac.* Suauibus & dictis

Dolorem meum leuauit

*Iac.* Ergò Pulcherrima spe gaudeamus ,  
Rachel canamus Carmen Amoris .

Stella fulgebit

Clemens valebit

Umbras fugare nostri timoris Ergo &c.

Post semina laborum

Pollens , & potens Deus

Messem dabit feracem.

*Rac.* Post annos et mærorum  
Clemens quoque donabit  
Nostris diebus Pacem.

Qui Pacem sperat

Ab alto quarat

In Deo confidat, & spem reponat.

Spes Mundi vana,

Fallax, insana

Fidelis Deus hanc solus donat. Qui &c.

F I N I S .

